



Publicaziuns dalla vischnaunca, jamna 14

Damondas da baghegiar

Nr. 2012-1024

Datum da publicaziun: 5 d'avrel 2012

La patruna: Anna Maria Decurtins, Via Sontga Gada 1, 7180 Disentis/Mustér

Il representant: Gujan e Pally, architecta FH/tecnicar HF, Via Lucmagn 19, 7180 Disentis/Mustér

Object: Sanaziun dalla habitaziun el plaunterren, casa sin parcella 654, Via Sontga Gada 1, 7180 Disentis/Mustér

Il plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 2 d'avrel 2012

Uffeci da baghegiar Disentis/Mustér

Carrar sin vias d'uaul e vias funsilas

Sebasond sin la lescha forestala sco era il reglament da traffic basegna ei ina carta da controlla per astgar carrar sin las vias d'uaul e las vias funsilas. Retscheiver ina carta annuala san:

- a) proprietaris ed affittaders da beins immobiliars pigl access al schischom;
- b) furniturs, glied da professiun, guardiacamonas, concessiunaris (purtaders d'ina patentata cantunala ni communal) per praticar lur activitads.

La taxa persuerter munta frs. 100.–. Cumpriu en quella summa ein 2 cartas annualas (ina da quella ei transmissibla). Da niev sa la carta era vegnir retratga en fuorma d'in taccader (oravontut per motors e quads).

Taxas da carrar

Carta dil di frs. 15.–

jamnila frs. 30.–

annuala frs. 100.–

Las cartas ein da retrer tier l'administraziun communal. Las cartas dil di san, oravontut cura che l'administraziun communal ei serrada, era vegnir retratgas ella caffetaria dil Center da sport e cultura. La polizia communal controllescha il carrar sin las vias d'uaul e castigescha surpassaments.

Diever agricol

Per maschinas agricolas basegna ei negina carta da controlla. Pil diever agricol cun auters vehichels sto vegnir retratg tier l'administraziun communal ina carta da legitimaziun. **La taxa persuerter munta a frs. 20.–.**

Attenziun

Las vias d'uaul e las vias funsilas vegnan oravontut la primavera, cura ch'il terren entscheiva a sgargliar, strapazzadas il pli fetg. Ord quei motiv supplichein nus da carrar sin las vias cun il duiu risguard. – Bien engraziament per la capientscha.

Suprastonza communal



Midada d'adresa enteifer vischnaunca

Tgi che mida casa enteifer la vischnaunca ei obligaus d'annunziar la nova adresa all'administraziun communalada enteifer 8 dis.

Controlla da habitonts Disentis/Mustér

Purschida gratuita

La vischnaunca da Mustér porscha a ses habitonts la pussevkladad da visitar gratuitamein la Casa da traffic a Lucerna, www.verkehrshaus.ch. Al spurtegi dall'administraziun communalada sa per mintga di digl onn vegnir retratg **5 entradas gratuitas**. En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film IMAX per in prezi special (frs. 4.– reducziun)
- 10% rabat sin artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagià cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communalada Mustér (telefon 081 920 36 36 ni e-mail: admin@disentis.ch).

Nus giavischein ina nunemblideivla aventura el museum il pli frequentau en Svizra.
Suprastonza communalada

Corporaziun d'aua Spina da vin *Invit alla radunonza generala 2012*

Commembras e commembers ein cordialmein envidai

**Gliendisdis Pastgas, ils 10 d'avrel 2012
allas 20.15 el hotel «Alpsu».**

Tractandas:

1. Beinvegni
2. Elecziun da dus dumbravuschs
3. Protocol, approbaziun
4. Rapport dil president
5. Rendaquen, rapport dils revisurs e dar scarica
6. Projects novs
7. Preventiv e program da lavur
8. Elecziuns: in commember da suprastonza (vicepresident)
9. Varia

Suenter la radunonza vegn offeriu in mudest refrestg. Tuttas commemorbras e tuts commembers ein cordialmein envidai e beinvegni.

Per la suprastonza
il president: Edwin Deflorin



Sperrung der Mompé-Medel-Strasse

Die Momp.-Medel-Strasse, Tunnel Mompé Medel, km 0,00 bis km 0,65, muss infolge Sanierung der elektrischen Anlagen ab Dienstag, 10. April 2012, bis Freitag, 27. April 2012, sowie ab Sonntag, 10. Juni 2012, bis Freitag, 29. Juni 2012, jeweils von 20.00 bis 06.00 Uhr für jeglichen Verkehr gesperrt werden.

Umleitung: Es besteht keine Umfahrungsmöglichkeit.

Bemerkungen: Jeweils **zwischen 21.00 und 21.15 Uhr sowie 22.30 und 22.45 Uhr** besteht eine Durchfahrtsmöglichkeit.

Fussgänger und Velofahrer können den Tunnel jederzeit passieren. Von Freitag, 6.00 Uhr bis Sonntag, 20.00 Uhr ist die Baustelle normal befahrbar.

Rückfragen sind zu richten an: Telefon 081 632 56 11.
Kantonspolizei Graubünden, Verkehrstechnik

Clom d'urgenza 118

Preziadas vischinas, preziai vischins Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschian via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina www.pumpiers-sursassiala.ch.

Engraziell per Vies sustegn! Vos pumpiers Sursassiala

Rimnada da pupi

Venderdis, ils 27 d'avrel 2012

Adatg! Ei vegn mo rimnau: gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziell.

Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00).

Bien engraziament per Vies agid e sustegn!
Scolas Mustér, Ch. Berger

Uniun da dunnas Mustér

Vendita candeilas da Pastgas

Sonda sontga, ils 7 d'avrel avon messa vendin nus las candeilas da Pastgas, che commemoras dall'uniun da dunnas han ornau. Prezi per candeila frs. 12.–.

Il recav va en favur d'ovras socialas



Movis – moviment e sault per affons e giuventetgna

Producziuns finalas

Las 10 gruppas d'affons e giuventetgna da Mustér e las vischnauncas vischinontas presentan lur coreografias ch'ellas han exercitau duront igl onn da sault 2011/12.

Cu? Venderdis, ils 20-4-2012 allas 20.00

sonda, ils 21-4-2012 allas 20.00

dumengia, ils 22-4-2012 allas 17.00

Nua? Halla Cons, Mustér

Tanzaufführung Movis

Die 10 Kinder- und Jugendgruppen von Disentis und Umgebung präsentieren ihre Choreografien, die sie während des Tanzjahres 2011/12 einstudiert haben.

Wann? Freitag, 20.4.2012, um 20.00 Uhr

Samstag, 21.4.2012, um 20.00 Uhr

Sonntag, 22.4.2012, um 17.00 Uhr

Wo? Halle Cons, Disentis

Sin Vossa viseta selegran ils Movis

Uniun samaritana Mustér: Referat public

da dr. Kaspar Meier, caumiedi d'anestesia, Spital regional Surselva, Glion
«Haveis Vus tema d'ina narcosa?»

Gliendisdis, ils 16 d'avrel 2012

allas 20.00 en halla Cons

Cordial invit a tut tgi che ha interess!

Uniun samaritana Mustér

Uniun da dunnas – mummas d'affons pigns

Fuffernadi rudi d'affons Artgin

Nus envidein ils affons dallas annadas 2008 e 2009 cordialmein tier in avonmiezdi da fuffernadi el rudi d'affons Artgin.

Gievgia, ils 12 d'avrel 2012 dallas 9.00 tochen las 10.30 el local da scola a Segnas.

Nus supplichein d'annunziar Vies affon entochen ils 9 d'avrel 2012

tier Manuela Venzin, 081 936 40 25

Schnuppervormittag in der Spielgruppe

Wir laden die Kinder der Jahrgänge 2008 und 2009 ganz herzlich ein zu einem Schnuppervormittag in der Spielgruppe.

Am Donnerstag, 12. April 2012, von 9.00 bis 10.30

Uhr im Schulhaus in Segnas.

Bitte melden Sie Ihr Kind an bis 9. April 2012 bei:

Manuela Venzin, Tel. 081 936 40 25.



Preavis: Radunonza generala Las Bagordas

Sonda, ils 5 da matg 2012 allas 20.15 ell'ustria dalla staziun, Mustér.
Cordialmein envida la suprastonza

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura/Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Biblioteca populara Disentis/Mustér
Dibiost.ch ed il rispli auditiv Ting

La biblioteca vegn tier Vus! Naven d'immediat ei la biblioteca populara colligiada cun la biblioteca electronica «Dibiost.ch» (Digitale Bibliothek Ostschweiz). Varga 13 000 medias (cudischs auditivs, e-books, e-music, e-video etc.) stattan a disposiziun per cargar giu digl internet e per empristar, da tuttas uras e gratuitamein. La suletta cundiziun ei d'haver in abbonament da nossa biblioteca.

Fuffergnei nunligiontamein sin www.dibiost.ch/Virtuelle Führung. Dapli informaziuns survegnis Vus ella biblioteca populara.

Ting – il rispli auditiv dat veta als cudischs. Nus havein acquistau in set da demo ed entgins cudischs da Ting per tut las vegliadetgnas. Empruei la nova moda da tedlar e d'experimentar cudischs.

Nus selegrein da nossa nova purschida – e nus selegrein sin Vus.
Biblioteca populara Disentis/Mustér

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér